



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.


About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

L9
1.
208

Harvard College,
1869.

1. 208.



②

M. FABII QUINTILLIANI
INSTITUTIONIS ORATORIAE

LIBER DECIMUS.

RECENSUIT

Halm (Halm)

CAROLUS HALM.



C.
LIPSIAE

IN AEDIBUS B. G. TEUBNERI

MDCCLXIX.

91.208

1871, July 1.
Salisbury Fund.

M. FABII QUINTILIANI
INSTITUTIONIS ORATORIAE
LIBER DECIMUS.

I. Sed haec eloquendi praecepta, sicut cogitationi sunt necessaria, ita non satis ad vim dicendi valent, nisi illis firma quaedam facilitas, quae apud Graecos ἔξις nominatur, accesserit: ad quam scribendo plus an legendo an dicendo conferatur, solere quaeri scio. quod esset diligentius nobis examinandum, si qualibet earum rerum possemus una esse contenti. verum ita sunt inter se conexa et indis-²creta omnia, ut, si quid ex his defuerit, frustra sit in ceteris laboratum. nam neque solida atque robusta fuerit umquam eloquentia, nisi multo stilo vires acceperit, et citra lectionis exemplum labor ille carens rectore fluitabit, et qui sciet, quae quoque sint modo dicenda, nisi tamquam in procinctu paratamque ad omnis casus habuerit eloquentiam, velut clausis thesauris incubabit. non autem ut quicquid praecipue³ necessarium est, sic ad efficiendum oratorem maximi protinus erit momenti. nam certe, cum sit in eloquendo positum oratoris officium, dicere ante omnia est atque hinc initium eius artis fuisse manifestum est, proximum deinde imitatio est, novissimum scribendi quoque diligentia. sed ut perveniri ad summa⁴ nisi ex principiis non potest, ita procedente opere iam minima incipiunt esse quae prima sunt. verum nos non, quomodo sit instituendus orator, hoc loco dicimus (nam id quidem aut satis aut certe uti potuimus dictum est), sed athleta, qui omnes iam

perdidicerit a praeceptore numeros, quo genere exercitationis ad certamina praeeparandus sit. igitur eum, qui res invenire et disponere sciet, verba quoque et eligendi et conlocandi rationem perceperit, instruamus, qua ratione quod didicerit facere quam optime, quam fauillime possit.

- 5 Num ergo dubium est, quin ei velut opes sint quaedam parandae, quibus uti, ubicumque desideratum erit, possit? eae constant copia rerum ac ver-
- 6 borum. sed res propriae sunt cuiusque causae aut paucis communes, verba in universas paranda: quae si rebus singulis essent singula, minorem curam postulerent: nam cuncta sese cum ipsis protinus rebus offerrent. sed cum sint aliis alia aut magis propria aut magis ornata aut plus efficientia aut melius sonantia, debent esse non solum nota omnia, sed in promptu atque, ut ita dicam, in conspectu, ut, cum se iudicio dicentis ostenderint, facilis ex his optimo-
- 7 rum sit electio. *scio equidem* quae idem significarent solitos ediscere, quo facilius et occurreret unum ex pluribus, et, cum essent usi aliquo, si breve intra spatium rursus desideraretur, effugiendae repetitionis gratia sumerent aliud, quod idem intellegi posset. quod cum est puerile et cuiusdam infelicis operae, tum etiam utile parum: turbam tantum modo congregat, ex qua sine discrimine occupet proximum quodque.
- 8 Nobis autem copia cum iudicio paranda est vim orandi, non circulatoriam volubilitatem spectantibus. id autem consequimur optima legendo atque audiendo: non enim solum nomina ipsa rerum cognoscemus hac cura, sed quod quoque loco sit aptissimum.
- 9 omnibus enim fere verbis praeter pauca, quae sunt parum verecunda, in oratione locus est. nam scriptores quidem iamborum veterisque comoediae etiam in illis saepe laudantur, sed nobis nostrum opus intueri sat est. omnia verba, exceptis de quibus dixi, sunt alicubi optima: nam et humilibus interrim et vulgaribus est opus, et quae nitidiore in parte

videntur sordida, ubi res poscit, proprie dicuntur. haec ut sciamus atque eorum non significationem 10 modo, sed formas etiam mensurasque norimus, ut, ubicumque erunt posita, convenient, nisi multa lectione atque auditione adsequi nullo modo possumus, cum omnem sermonem auribus primum accipiamus. propter quod infantes a mutis nutricibus iussu regum in solitudine educati, etiamsi verba quaedam emisisse traduntur, tamen loquendi facultate caruerunt. sunt 11 autem alia huius naturae, ut idem pluribus vocibus declarent, ita ut nihil significationis, quo potius utaris, intersit, ut 'ensis' et 'gladius', alia vero, etiamsi propria rerum aliquarum sint nomina, τροπικῶς [quare tamen] ad eundem intellectum feruntur, ut 'ferrum' et 'mucro'. nam per abusionem sicarios 12 etiam omnis vocamus, qui caedem telo quocumque commiserunt. alia circuitu verborum pluribus ostendimus, quale est et pressi copia lactis. plurima vero mutatione figuramus: scio 'non ignoro' et 'non me fugit' et 'non me praeterit' et 'quis nescit?' et 'nemini dubium est'. sed etiam ex proximo mu- 13 tuari licet: nam et 'intellego' et 'sentio' et 'video' saepe idem valent quod 'scio'. quorum nobis, ubertatem ac divitias dabit lectio, ut non solum quo modo occurrent, sed etiam quo modo oportet utamur. non semper enim haec inter se idem faciunt, 14 nec sicut de intellectu animi recte dixerim 'video', ita de visu oculorum 'intellego', nec ut 'mucro' gladium, sic mucronem 'gladius' ostendit. sed ut 15 copia verborum sic paratur, ita non verborum tantum gratia legendum vel audiendum est. nam omnium, quaecumque docemus, hoc sunt exempla potentiora etiam ipsis quae traduntur artibus, cum eo qui discit perductus est, ut intellegere ea sine demonstrante et sequi iam suis viribus possit, quia, quae doctor praecepit, orator ostendit.

Alia vero audientis, alia legentis magis adiuvant. 16 excitat qui dicit spiritu ipso, nec imagine [ambitu]

- rerum, sed rebus incendit. vivunt omnia enim et moventur, excipimusque nova illa velut nascentia cum favore ac sollicitudine. nec fortuna modo iudicii, sed etiam ipsorum qui orant periculo adfici-
- 17 mur. praeter haec vox, actio decora, commodata, ut quisque locus postulabit, pronuntiandi, vel potentissima in dicendo, ratio et, ut semel dicam, pariter omnia docent. in lectione certius iudicium, quod audienti frequenter aut suus cuique favor aut ille laudantium clamor extorquet. pudet enim dissentire, et velut tacita quadam verecundia inhibemur plus nobis credere, cum interim et vitiosa pluribus placent, et a conrogatis laudantur etiam quae non plac-
- 18 cent. sed contrarium quoque accidit, ut optime dictis gratiam prava iudicia non referant. lectio libera est nec ut actionis impetus transcurrit, sed repetere saepius licet, sive dubites sive memoriae penitus adfigere velis. repetamus autem et retractemus et, ut cibos mansos ac prope liquefactos demittimus, quo facilius digerantur, ita lectio non cruda, sed multa iteratione mollita et velut confecta memoriae imitationique tradatur.
- 20 Ac diu non nisi optimus quisque et qui credentem sibi minime fallat legendus est, sed diligenter ac paene ad scribendi sollicitudinem, nec per partes modo scrutanda omnia, sed perlectus liber utique ex integro resumendus, praecipueque oratio, cuius virtutes frequenter ex industria quoque occul-
- 21 tantur. saepe enim praeparat, dissimulat, insidiatur orator, eaque in prima parte actionis dicit, quae sunt in summa profutura. itaque suo loco minus placent, adhuc nobis quare dicta sint ignorantibus,
- 22 ideoque erunt cognitis omnibus repetenda. illud vero utilissimum, nosse eas causas, quarum orationes in manus sumserimus, et quotiens continget, utrimque habitas legere actiones: ut Demosthenis et Aeschinis inter se contrarias, et Servii Sulpicii atque Messalae, quorum alter pro Aufidia, contra dixit

alter, et Pollionis et Cassii reo Asprenate aliasque plurimas. quin etiam si minus pares videbuntur aliquae, tamen ad cognoscendam litium quaestionem recte requirentur, ut contra Ciceronis orationes Tuberonis in Ligarium et Hortensii pro Verre. quin 23 etiam easdem causas ut quisque egerit utile erit scire. nam de domo Ciceronis dixit Calidius et pro Milone orationem Brutus exercitationis gratia scripsit, etiamsi egisse eum Cornelius Celsus falso existimat, et Pollio et Messala defenderunt eosdem, et nobis 24 pueris insignes pro Voluseno Catulo Domitii Afri, Crispi Passieni, Decimi Laelii orationes ferebantur. neque id statim legenti persuasum sit, omnia, quae optimi auctores dixerint, utique esse perfecta. nam et labuntur aliquando et oneri cedunt et indulgent ingeniorum suorum voluptati, nec semper intendunt animum, nonnumquam fatigantur, cum Ciceroni dormire interim Demosthenes, Horatio vero etiam 25 Homerus ipse videatur. summi enim sunt, homines tamen, acciditque his, qui, quidquid apud illos repererunt, dicendi legem putant, ut deteriora imitentur (id enim est facilius) ac se abunde similes putent, si vitia magnorum consequantur. modesto 26 tamen et circumspecto iudicio de tantis viris pronuntiandum est, ne, quod plerisque accidit, damnent quae non intellegunt. ac si necesse est in alteram errare partem, omnia eorum legentibus placere quam multa displicere maluerim.

Plurimum dicit oratori conferre Theophrastus lectionem poetarum multique eius iudicium sequuntur, neque inmerito. namque ab his in rebus spiritus et in verbis sublimitas et in adfectibus motus omnis et in personis decor petitur, praecipueque velut attrita cotidiano actu forensi ingenia optime rerum talium blanditia reparantur, ideoque in hac lectione Cicero requiescendum putat. meminerimus tamen, 28 non per omnia poetas esse oratori sequendos nec libertate verborum nec licentia figurarum: genus **

- ostentationi comparatum et praeter id, quod solam
petit voluptatem eamque etiam fingendo non falsa
modo, sed etiam quaedam incredibilia sectatur, pa-
29 trocinio quoque aliquo iuvare: quod alligata ad cer-
tam pedum necessitatem non semper uti propriis
possit, sed depulsa recta via necessario ad eloquendi
quaedam deverticula confugiat, nec mutare quaedam
modo verba, sed extendere, corripere, convertere,
dividere cogatur: nos vero armatos stare in acie et
30 summis de rebus decernere et ad victoriam niti. ne-
que ego arma squalere situ ac rubigine velim, sed
fulgorem in iis esse qui terreat, qualis est ferri, quo
mens simul visusque praestringitur, non qualis auri
argentique, inbellis et potius habenti periculosus.
- 31 Historia quoque alere oratorem quodam uberi
iucundoque suco potest, verum et ipsa sic est le-
genda, ut sciamus plerasque eius virtutes oratori esse
vitandas. etenim proxima poetis et quodammodo
carmen solutum est, et scribitur ad narrandum,
non ad probandum, totumque opus non ad actum
rei pugnamque praesentem, sed ad memoriam poste-
ritatis et ingenii famam componitur: ideoque et ver-
bis remotioribus et liberioribus figuris narrandi tae-
32 dium evitat. itaque, ut dixi, neque illa Sallustiana
brevitas, qua nihil apud aures vacuas atque eruditas
potest esse perfectius, apud occupatum variis cogi-
tationibus iudicem et saepius ineruditum captanda
nobis est, neque illa Livii lactea ubertas satis doce-
bit eum, qui non speciem expositionis, sed fidem
33 quaerit. ideoque M. Tullius ne Thucydiden quidem
aut Xenophontem utiles oratori putat, quamquam
illum bellicum canere, huius ore Musas esse
locutas existimet. licet tamen nobis in digressio-
nibus uti vel historico nonnumquam nitore, dum
in his, de quibus erit quaestio, meminerimus, non
athletarum toris, sed militum lacertis *opus* esse, nec
versicolore illam, qua Demetrius Phalereus diceba-
tur uti, vestem bene ad forensem pulverem facere.

est et alius ex historiis usus et is quidem maximus, 34
sed non ad praesentem pertinens locum, ex cognitione rerum exemplorumque, quibus in primis instructus esse debet orator, ne omnia testimonia expectet a litigatore, sed pleraque ex vetustate diligenter sibi cognita sumat, hoc potentiora, quod ea sola criminibus odii et gratiae vacant.

A philosophorum vero lectione ut essent multa 35
nobis petenda, vitio factum est oratorum, qui quidem illis optima sui operis parte cesserunt. nam et de iustis, honestis, utilibus iisque quae sunt istis contraria, et de rebus divinis maxime dicunt et argumentantur acriter, et altercationibus atque interrogationibus oratorem futurum optime Socratici praeparant. sed his quoque adhibendum est simile iudicium, ut etiam cum in rebus versemur isdem, non 36
tamen eandem esse condicionem sciamus litium ac disputationum, fori et auditorii, praeceptorum et periculorum.

Credo exacturos plerosque, cum tantum esse 37
utilitatis in legendo iudicemus, ut id quoque adiungamus operi, qui sint *legendi*, quaeque in auctore quoque praecipua uirtus. sed persequi singulos infiniti fuerit operis. quippe cum in Bruto M. Tullius 38
tot milibus versuum de Romanis tantum oratoribus loquatur et tamen de omnibus aetatis suae, quibus cum vivebat, exceptis Caesare atque Marcello, silentium egerit: quis erit modus, si et illos et qui postea fuerunt et Graecos omnis [et philosophos]? fuit igitur 39
brevitas illa tutissima, quae est apud Livium in epistula ad filium scripta, legendos Demosthenen atque Ciceronem, tum ita, ut quisque esset Demostheni et Ciceroni simillimus. non est dissimulanda nostri quoque iudicii 40
summa. paucos enim vel potius vix ullum ex his, qui vetustatem pertulerunt, existimo posse reperiri, quin iudicium adhibentibus adlaturus sit utilitatis aliquid, cum se Cicero ab illis quoque vetustissimis

auctoribus, ingeniosis quidem, sed arte carentibus, plurimum fateatur adiutum. nec multo aliud de
41 novis sentio. quotus enim quisque inveniri tam demens potest, qui ne minima quidem alicuius certe fiducia partis memoriam posteritatis speraverit? qui si quis est, intra primos statim versus deprehendetur et citius nos dimittet, quam ut eius nobis magno
42 temporis detrimento constet experimentum. sed non quidquid ad aliquam partem scientiae pertinet, protinus ad phrasin, de qua loquimur, accommodatum.

Verum antequam de singulis, pauca in universum
43 de varietate opinionum dicenda sunt. nam quidam solos veteres legendos putant neque in ullis aliis esse naturalem eloquentiam et robur viris dignum arbitrantur, alios recens haec lascivia deliciaeque et omnia ad voluptatem multitudinis imperitae com-
44 posita delectant. ipsorum etiam, qui rectum dicendi genus sequi volunt, alii pressa demum et tenuia et quae minimum ab usu cotidiano recedant, sana et vere Attica putant, quosdam elatior ingenii vis et magis concitata et plena spiritus capit, sunt etiam lenis et nitidi et compositi generis non pauci amatores. de qua differentia disseram diligentius, cum de genere dicendi quaerendum erit: interim summam, a qua lectione petere possint, qui confirmare
45 facultatem dicendi volent, attingam: paucos enim (sunt *autem* eminentissimi) excerpere in animo est. facile est autem studiosis, qui sint his simillimi, iudicare, ne quisquam queratur, omissos forte aliquos, quos ipse valde probet: fateor enim pluris legendos esse quam qui a me nominabuntur. sed nunc genera ipsa lectionum, quae praecipue convenire intendentibus, ut oratores fiant, existimem, persequar.
46 Igitur, ut Aratus ab Iove incipiendum putat, ita nos rite coepturi ab Homero videmur. hic enim, quemadmodum ex Oceano dicit ipse *omnium* amnium fontiumque cursus initium capere, omnibus eloquentiae partibus exemplum et ortum dedit. hunc nemo

in magnis rebus sublimitate, in parvis proprietate superaverit. idem laetus ac pressus, iucundus et gravis, tum copia tum brevitate mirabilis, nec poetica modo, sed oratoria virtute eminentissimus. nam ut de laudibus, exhortationibus, consolationibus taceam, nonne vel nonus liber, quo missa ad Achillen legatio continetur, vel in primo inter duces illa contentio vel dictae in secundo sententiae omnes litium ac consiliorum explicant artes? adfectus quidem vel illos mites vel hos concitatos nemo erit tam indoctus, qui non in sua potestate hunc auctorem habuisse fateatur. age vero, non in utriusque operis sui ingressu in paucissimis versibus legem prooemiorum non dico servavit, sed constituit? nam benevolum auditorem invocatione dearum, quas praesidere vatibus creditur, et intentum proposita rerum magnitudine et docilem summa celeriter comprehensa facit. narrare vero quis brevius quam qui mortem nuntiat Patrocli, quis significantius potest quam qui Curetum Aetolorumque proelium exponit? iam similitudines, amplificationes, exempla, digressus, signa rerum et argumenta ceteraque genera probandi ac refutandi sunt ita multa, ut etiam qui de artibus scripserunt plurima earum rerum testimonia ab hoc poeta petant. nam epilogus quidem quis umquam poterit illis Priami rogantis Achillen precibus aequari? quid? in verbis, sentiis, figuris, dispositione totius operis nonne humani ingenii modum excedit? ut magni sit virtutes eius non aemulatione, quod fieri non potest, sed intellectu sequi. verum hic omnis sine dubio et in omni genere eloquentiae procul a se reliquit, epicos tamen praecipue, videlicet quia clarissima in materia simili comparatio est. raro adsurgit Hesiodus magnaue pars eius in nobis minibus est occupata, tamen utiles circa praecepta sententiae levitasque verborum et compositionis probabilis, daturque ei palma in illo medio genere dicendi. contra in Antimacho vis et gravitas et

- minime vulgare eloquendi genus habet laudem. sed quamvis ei secundas fere grammaticorum consensus deferat, et adfectibus et iucunditate et dispositione et omnino arte deficitur, ut plane manifesto appareat, quanto sit aliud proximum esse, aliud *parem*.
- 54 Panyasin, ex utroque mixtum, putant in eloquendo neutrius aequare virtutes, alterum tamen ab eo materia, alterum disponendi ratione superari. Apollonius in ordinem a grammaticis datum non venit, quia Aristarchus atque Aristophanes neminem sui temporis in numerum redegerunt, non tamen contemnendum reddidit opus aequali quadam medio-
- 55 critate. * Arati materia motu caret, ut in qua nulla varietas, nullus adfectus, nulla persona, nulla cuiusquam sit oratio, sufficit tamen operi, cui se parem credidit. admirabilis in suo genere Theocritus, sed musa illa rustica et pastoralis non forum modo,
- 56 verum ipsam etiam urbem reformidat. audire videor undique congerentis nomina plurimorum poetarum. quid? Herculis acta non bene Pisandros? Nicandrum frustra secuti Macer atque Vergilius? quid? Euphorionem transibimus? quem nisi probasset Vergilius idem, numquam certe conditorum Chalcidico versu carminum fecisset in Bucolicis mentionem. quid? Horatius frustra Tyrtaeum
- 57 Homero subiungit? nec sane quisquam est tam procul a cognitione eorum remotus, ut non indicem certe ex bibliotheca sumptum transferre in libros suos possit. nec ignoro igitur quos transeo nec utique damno, ut qui dixerim esse in omnibus utilitatis
- 58 aliquid. sed ad illos iam perfectis constitutisque uiribus revertemur, quod in cenis grandibus saepe facimus, ut, cum optimis satiati sumus, varietas tamen nobis ex vilioribus grata sit. tunc et elegiam vacabit in manus sumere, cuius princeps habetur Callimachus, secundas confessione plurimorum
- 59 Philetas occupavit. sed dum adsequamur illam firmam, ut dixi, facilitatem, optimis adsuescendum

est et multa magis quam multorum lectione formanda mens et ducendus color. itaque ex tribus receptis Aristarchi iudicio scriptoribus iamborum ad ξiv maxime pertinebit unus Archilochus. summa 60 in hoc vis elocutionis, cum validae tum breves vibrantesque sententiae, plurimum sanguinis atque nervorum, adeo ut videatur quibusdam, quod quocumque minor est, materiae esse, non ingenii vitium. novem vero lyricorum longe Pindarus princeps 61 spiritus magnificentia, sententiis, figuris, beatissima rerum verborumque copia et velut quodam eloquentiae flumine: propter quae Horatius eum merito credidit nemini imitabilem. Stesichorum, quam sit 62 ingenio validus, materiae quoque ostendunt, maxima bella et clarissimos canentem duces et epici carminis onera lyra sustinentem. reddit enim personis in agendo simul loquendoque debitam dignitatem, ac si tenuisset modum, videtur aemulari proximus Homerum potuisse, sed redundat atque effunditur, quod ut est reprehendendum, ita copiae vitium est. Al- 63 caeus in parte operis aureo plectro merito donatur, qua tyrannos insectatus multum etiam moribus confert, in eloquendo quoque brevis et magnificus et dicendi vi plerumque oratori similis, sed et lusit et in amores descendit, maioribus tamen aptior. Simonides, tenuis alioqui, sermone proprio et iu- 64 cunditate quadam commendari potest, praecipua tamen eius in commovenda miseratione virtus, ut quidam in hac eum parte omnibus eius operis auctoribus praeferant.

Antiqua comoedia cum sinceram illam sermonis 65 Attici gratiam prope sola retinet, tum facundissimae libertatis est et in insectandis vitiis praecipua, plurimum tamen virium etiam in ceteris partibus habet. nam et grandis et elegans et venusta, et nescio an ulla, post Homerum tamen, quem ut Achillen semper excipi par est, aut similior sit oratoribus aut ad oratores faciendos aptior. plures 66

eius auctores, Aristophanes tamen et Eupolis Cratinusque praecipui. tragoedias primus in lucem Aeschylus protulit, sublimis et gravis et grandilocus saepe usque ad vitium, sed rudis in plerisque et incompositus: propter quod correctas eius fabulas in certamen deferre posterioribus poetis Athenienses permiserunt, suntque eo modo multi
37 coronati. sed longe clarius inlustraverunt hoc opus Sophocles atque Euripides, quorum in dispari dicendi via uter sit poeta melior, inter plurimos quaeritur. idque ego sane, quoniam ad praesentem materiam nihil pertinet, iniudicatum relinquo. illud quidem nemo non fateatur necesse est, iis, qui se ad agendum comparant, utiliorem longe fore Euripiden.
68 namque is et sermone (quem ipsum quoque reprehendunt, quibus gravitas et cothurnus et sonus Sophocli videtur esse sublimior) magis accedit oratorio generi et sententiis densus et in iis, quae a sapientibus tradita sunt, paene ipsis par, et dicendo ac respondendo cuilibet eorum, qui fuerunt in foro deserti, comparandus, in adfectibus vero cum omnibus mirus, tum in iis, qui in miseratione constant,
39 facile praecipuus est. admiratus maxime est, ut saepe testatur, et secutus, quamquam in opere diverso, Menander, qui vel unus meo quidem iudicio diligenter lectus ad cuncta, quae praecipimus, effingenda sufficiat: ita omnem vitae imaginem expressit, tanta in eo inveniendi copia et eloquendi facultas, ita est omnibus rebus, personis, adfectibus
70 accommodatus. nec nihil profecto viderunt, qui orationes, quae Charisii nomini addicuntur, a Menandro scriptas putant. sed mihi longe magis orator probari in opere suo videtur, nisi forte aut illa mala iudicia, quae Epitrepontes, Epicleros, Locroe habent, aut meditationes in Psophodee, Nomothete, Hypobolimaeco non omnibus oratoris numeris sunt absolutae.
1 ego tamen plus adhuc quiddam conlaturum eum declamatoribus puto, quoniam his necesse est secun-

dum condicionem controversiarum plures subire personas, patrum filiorum, militum rusticorum, divitum pauperum, irascentium deprecantium, mitium asperorum. in quibus omnibus mire custoditur ab hoc poeta decor. atque ille quidem omnibus eiusdem 72 operis auctoribus abstulit nomen et fulgore quodam suae claritatis tenebras obduxit. tamen habent alii quoque comici, si cum venia leguntur, quaedam quae possis decerpere, et praecipue Philemon, qui ut pravis sui temporis iudiciis Menandro saepe praelatus est, ita consensu tamen omnium meruit credi secundus.

Historiam multi scripsere praeclare, sed nemo 73 dubitat longe duos ceteris praeferendos, quorum diversa virtus laudem paene est parem consecuta. densus et brevis et semper instans sibi Thucydides, dulcis et candidus et fusus Herodotus: ille concitatis, hic remissis adfectibus melior, ille contionibus, hic sermonibus, ille vi, hic voluptate. Theopompus his proximus ut in historia praedictis 74 minor, ita oratori magis similis, ut qui, antequam est ad hoc opus sollicitatus, diu fuerit orator. Philistus quoque meretur qui turbae quamvis bonorum post eos auctorum eximatur, imitator Thucydidi et ut multo infirmior, ita aliquatenus lucidior. Ephorus, ut Isocrati visum, calcaribus eget. Clitarchi probatur ingenium, fides infamatur. longo post 75 intervallo temporis natus Timagenes vel hoc est ipso probabilis, quod intermissam historiam scribendi industriam nova laude reparavit. Xenophon non excidit mihi, sed inter philosophos reddendus est.

Sequitur oratorum ingens manus, ut cum decem 76 simul Athenis aetas una tulerit. quorum longe princeps Demosthenes ac paene lex orandi fuit: tanta vis in eo, tam densa omnia, ita quibusdam nervis intenta sunt, tam nihil otiosum, is dicendi modus, ut nec quod desit in eo nec quod redundet invenias. plenior Aeschines et magis fusus et gran- 77

- diori similis, quo minus strictus est, carnis tamen plus habet, minus lacertorum. dulcis in primis et acutus Hyperides, sed minoribus causis, ut non
78 dixerim utilior, magis par. his aetate Lysias maior, subtilis atque elegans et quo nihil, si oratori satis sit docere, quaeras perfectius: nihil enim est inane, nihil arcessitum, puro tamen fonti quam magno
79 flumini propior. Isocrates in diverso genere dicendi nitidus et comptus et palaestrae quam pugnae magis accommodatus omnis dicendi veneres sectatus est, nec inmerito: auditoriis enim se, non iudiciis compararat: in inventione facilis, honesti studiosus, in
80 compositione adeo diligens, ut cura eius reprehendatur. neque ego in his, de quibus sum locutus, has solas virtutes, sed has praecipuas puto, nec ceteros parum fuisse magnos. quin etiam Phalerea illum Demetrium, quamquam is primus inclinasse eloquentiam dicitur, multum ingenii habuisse et facundiae fateor, vel ob hoc memoria dignum, quod ultimus est fere ex Atticis, qui dici possit orator, quem tamen in illo medio genere dicendi praeferit omnibus Cicero.
- 81 Philosophorum, ex quibus plurimum se traxisse eloquentiae M. Tullius confitetur, quis dubitet Platonem esse praecipuum sive acumine disserendi sive eloquendi facultate divina quadam et Homerica? multum enim supra prosam orationem, quam pedestrem Graeci vocant, surgit, ut mihi non hominis ingenio, sed tamquam Delphico videatur oraculo
82 instinctus. quid ego commemorem Xenophontis illam iucunditatem inadfectatam, sed quam nulla consequi adfectatio possit? ut ipsae sermonem finxisse Gratiae videantur et, quod de Pericle veteris comoediae testimonium est, in hunc transferri iustissime possit, in labris eius sedisse quandam persuadendi deam. quid reliquorum Socraticorum elegantiam? quid Aristotelem? quem dubito scientia rerum an scriptorum copia an eloquendi vi ac

suavitate an inventionum acumine an varietate operum clariorem putem. nam in Theophrasto tam est loquendi nitor ille divinus, ut ex eo nomen quoque traxisse dicatur. minus indulgere eloquentiae 84 Stoici veteres, sed cum honesta suaserunt, tum in colligendo probandoque quae instituerant plurimum valuerunt, rebus tamen acuti magis quam, id quod sane non adfectaverunt, oratione magnifici.

Idem nobis per Romanos quoque auctores ordo 85 ducendus est. itaque ut apud illos Homerus, sic apud nos Vergilius auspicatissimum dederit exordium, omnium eius generis poetarum graecorum nostrorumque haut dubie ei proximus. utar enim 86 verbis isdem, quae ex Afro Domitio iuvenis excepi: qui mihi interroganti, quem Homero crederet maxime accedere, secundus, inquit, est Vergilius, propior tamen primo quam tertio. et hercule ut illi naturae caelesti atque immortalis cesserimus, ita curae et diligentiae vel ideo in hoc plus est, quod ei fuit magis laborandum, et quantum eminentibus vincimur, fortasse aequalitate pensamus. ceteri omnes longe sequuntur. nam Macer et Lucretius legendi qui- 87 dem, sed non ut phrasin, id est corpus eloquentiae faciant, elegantes in sua quisque materia, sed alter humilis, alter difficilis. Atacinus Varro in iis, per quae nomen est adsecutus, interpret operis alieni, non spernendus quidem, verum ad augendam facultatem dicendi parum locuples. Ennium sicut sacros 88 vetustate lucos adoremus, in quibus grandia et antiqua robora iam non tantam habent speciem quantam religionem. propiores alii atque ad hoc, de quo loquimur, magis utiles. lascivus quidem in herois quoque Ovidius et nimium amator ingenii sui, laudandus tamen in partibus. Cornelius autem 89 Severus, etiamsi sit versificator quam poeta melior, si tamen [ut est dictum] ad exemplar primi libri bellum Siculum perscripsisset, vindicaret sibi iure secundum locum. Serranum consummari mors

immatura non passa est, puerilia tamen eius opera et maximam indolem ostendunt et admirabilem praecipue in aetate illa recti generis voluntatem. multum in Valerio Flacco nuper amisimus. uehemens et poeticum ingenium Saleii Bassi fuit, nec ipsum senectute maturuit. Rabirius ac Pedito non indigni cognitione, si vacet. Lucanus ardens et concitatus et sententiis clarissimus, sed, ut dicam quod sentio, magis oratoribus quam poetis imitandus. hos nominavimus, quia Germanicum Augustum ab institutis studiis deflexit cura terrarum, parumque dis visum est esse eum maximum poetarum. quid tamen his ipsis eius operibus, in quae donato imperio iuuenis secesserat, sublimius, doctius, omnibus denique numeris praestantius? quis enim caneret bella melius quam qui sic gerit? quem praesidentes studii deae promptius audirent? cui magis suas artis aperiret familiare numen Minervae? dicent haec plenius futura saecula: nunc enim ceterarum fulgore virtutum laus ista praestringitur. nos tamen sacra litterarum colentis feres, Caesar, si non tacitum hoc praeterimus et Vergiliano certe versu testamur:

inter victrices hederam tibi serpere
laurus.

93 Elegia quoque Graecos prouocamus, cuius mihi tersus atque elegans maxime videtur auctor Tibullus. sunt qui Propertium malint. Ovidius utroque lascivior, sicut durior Gallus. satura quidem tota nostra est, in qua primus insignem laudem adeptus Lucilius quosdam ita deditos sibi adhuc habet amatores, ut eum non eiusdem modo operis auctoribus, sed omnibus poetis praeferre non dubitent. ego quantum ab illis, tantum ab Horatio dissentio, qui Lucilium fluere lutulentum et esse aliquid, quod tollere possis, putat. nam eruditio in eo mira et libertas atque inde acerbitas et abunde salis. multum eo est tersior ac purus magis Horatius et, nisi labor eius amore, praecipuus.

multum et verae gloriae quamvis uno libro Persius meruit. sunt clari hodieque et qui olim nominabuntur. alterum illud etiam prius saturae genus, sed 95 non sola carminum varietate mixtum condidit Terentius Varro, vir Romanorum eruditissimus. plurimos hic libros et doctissimos composuit, peritissimus linguae latinae et omnis antiquitatis et rerum graecarum nostrarumque, plus tamen scientiae collaturus quam eloquentiae. iambus non sane 96 a Romanis celebratus est ut proprium opus, ** quibusdam interpositus: cuius acerbitas in Catullo, Bibaculo, Horatio, quamquam illi epodos interuenit, reperietur. at lyricorum idem Horatius fere solus legi dignus: nam et insurgit aliquando et plenus est iucunditatis et gratiae et variis figuris et verbis felicissime audax. si quem adicere velis, is erit Caesius Bassus, quem nuper vidimus, sed eum longe praecedunt ingenia viventium.

Tragoediae scriptores veterum Attius atque Pa- 97 cuvius grandissimi gravitate sententiarum, verborum pondere, auctoritate personarum. ceterum nitor et summa in excolendis operibus manus magis videri potest temporibus quam ipsis defuisse: virium tamen Attio plus tribuitur, Pacuvium videri doctiorem, qui esse docti adfectant, volunt. iam Varii 98 Thyestes cuilibet graecarum comparari potest. Ovidii Medea videtur mihi ostendere, quantum ille vir praestare potuerit, si ingenio suo imperare quam indulgere maluisset. eorum quos viderim longe princeps Pomponius Secundus, quem senes quidem parum tragicum putabant, eruditione ac nitore praestare confitebantur. in comoedia maxime claudicamus. licet Varro Musas, Aelii Stilonis sententia, Plautino dicat sermone locuturas fuisse, si 99 latine loqui vellent, licet Caecilium veteres laudibus ferant, licet Terentii scripta ad Scipionem Africanum referantur (quae tamen sunt in hoc genere elegantissima et plus adhuc habitura gratiae,

- 100 si intra versus trimetros stetissent): vix levem consequimur umbram, adeo ut mihi sermo ipse Romanus non recipere videatur illam solis concessam Atticis venerem, cum eam ne Graeci quidem in alio genere linguae obtinuerint. togatis excellit Afranius: utinam non inquinasset argumenta puerorum foedis amoribus, mores suos fassus.
- 101 At non historia cesserit Graecis. nec opponere Thucydidi Sallustium verear, nec indignetur sibi Herodotus aequari T. Livium, cum in narrando mirae iucunditatis clarissimique candoris, tum in contionibus supra quam enarrari potest eloquentem: ita quae dicuntur omnia cum rebus, tum personis accommodata sunt: adfectus quidem praecipueque eos qui sunt dulciores, ut parcissime dicam, nemo
- 102 historicorum commodavit magis. ideoque illam immortalem Sallustii velocitatem diversis virtutibus consecutus est. nam mihi egregie dixisse videtur Servilius Nonianus, pares eos magis quam similes: qui et ipse a nobis auditus est, clari vir ingenii et sententiis creber, sed minus pressus quam historiae auctoritas postulat. quam paulum aetate praecedens eum Bassus Aufidius egregie, utique in libris belli Germanici, praestitit, genere ipso probabilis, in operibus quibusdam suis ipse viribus minor.
- 104 superest adhuc et ornat aetatis nostrae gloriam vir saeculorum memoria dignus, qui olim nominabitur, nunc intellegitur. habet amatores nec inmerito Cremutii libertas, quamquam circumcisis quae dixisse ei nocuerat: sed elatum abunde spiritum et audaces sententias deprehendas etiam in his, quae manent. sunt et alii scriptores boni, sed nos genera degustamus, non bibliothecas excutimus.
- 105 Oratores vero vel praecipue latinam eloquentiam parem facere graecae possunt: nam Cicero nem cuicumque eorum fortiter opposuerim. nec ignoro, quantam mihi concitem pugnam, cum praesertim non id sit propositi, ut eum Demostheni

comparem hoc tempore: neque enim attinet, cum Demosthenen in primis legendum vel ediscendum potius putem. quorum ego virtutes plerasque arbi- 106
 tror similes, consilium, ordinem, dividendi, praeparandi, probandi rationem, omnia denique quae sunt inventionis. in eloquendo est aliqua diversitas: densior ille, hic copiosior, ille concludit adstrictius, hic latius, pugnat ille acumine semper, hic frequenter et pondere, illic nihil detrahi potest, hic nihil adici, curae plus in illo, in hoc naturae. salibus certe et 107
 commiseratione, quae duo plurimum in adfectibus valent, vicimus. et fortasse epilogos illi mos civitatis abstulerit, sed et nobis illa, quae Attici mirantur, diversa latini sermonis ratio minus permiserit. in epistulis quidem, quamquam sunt utriusque, dialogisve, in quibus nihil ille, nulla contentio est. cedendum vero in hoc, quod et prior fuit et ex 108
 magna parte Ciceronem, quantus est, fecit. nam mihi videtur M. Tullius, cum se totum ad imitationem Graecorum contulisset, effinxisse vim Demosthenis, copiam Platonis, iucunditatem Isocratis. nec 109
 vero quod in quoque optimum fuit, studio consecutus est tantum, sed plurimas vel potius omnes ex se ipso virtutes extulit. immortalis ingenii beatissima ubertate. non enim pluvias, ut ait Pindarus, aquas colligit, sed vivo gurgite exundat, dono quodam providentiae genitus, in quo totas vires suas eloquentia experiretur. nam quis docere 110
 diligentius, movere vehementius potest? cui tanta umquam iucunditas adfuit? ut ipsa illa, quae extorquet, impetrare eum credas, et cum transversum vi sua iudicem ferat, tamen ille non rapi videatur, sed sequi. iam in omnibus, quae dicit, tanta aucto- 111
 ritas inest, ut dissentire pudeat, nec advocati studium, sed testis aut iudicis adferat fidem, cum interim haec omnia, quae vix singula quisquam intensissima cura consequi posset, fluunt inlaborata, et illa, qua nihil umquam pulchrius auditum est, oratio

- 112 prae se fert tamen felicissimam facilitatem. quare non inmerito ab hominibus aetatis suae regnare in iudiciis dictus est, apud posteros vero id consecutus, ut Cicero iam non hominis nomen, sed eloquentiae habeatur. hunc igitur spectemus, hoc propositum nobis sit exemplum, ille se profecisse sciat,
- 113 cui Cicero valde placebit. multa in Asinio Polli-
one inventio, summa diligentia, adeo ut quibusdam etiam nimia videatur, et consilii et animi satis: a nitore et iucunditate Ciceronis ita longe abest, ut videri possit saeculo prior. at Messala nitidus et candidus et quodammodo praeferens in dicendo no-
- 114 bilitatem suam, viribus minor. C. vero Caesar si foro tantum vacasset, non alius ex nostris contra Ciceronem nominaretur. tanta in eo vis est, id acumen, ea concitatio, ut illum eodem animo dixisse, quo bellavit, appareat, exornat tamen haec omnia mira sermonis, cuius proprie studiosus fuit, elegan-
- 115 tia. multum ingenii in Caelio et praecipue in accusando multa urbanitas, dignusque vir cui et mens melior et vita longior contigisset. inveni qui Calvum praeferrent omnibus, inveni qui Ciceroni crederent, eum nimia contra se calumnia verum sanguinem perdidisse, sed est et sancta et gravis oratio et castigata et frequenter vehemens quoque. imitator autem est Atticorum, fecitque illi properata mors
- 116 iniuriam, si quid adiecturus fuit. et Servius Sulpicius insignem non inmerito famam tribus orationibus meruit. multa, si cum iudicio legatur, dabit imitatione digna Cassius Severus, qui si ceteris virtutibus colorem et gravitatem orationis adiecisset,
- 117 ponendus inter praecipuos foret. nam et ingenii plurimum est in eo et acerbitas mira et urbanitas et fervor, sed plus stomacho quam consilio dedit. praeterea ut amari sales, ita frequenter amaritudo
- 118 ipsa ridicula est. sunt alii multi diserti, quos persequi longum est. eorum quos viderim Domitius Afer et Iulius Africanus longe praestantissimi.
-

verborum arte ille et toto genere dicendi praeferendus et quem in numero veterum habere non timeas: hic concitator, sed in cura verborum nimius et compositione nonnumquam longior et translationibus parum modicus. erant clara et nuper ingenia. nam et Trachalus plerumque sublimis et satis apertus fuit et quem velle optima crederes, auditus tamen maior: nam et vocis, quantam in nullo cognovi, felicitas et pronuntiatio vel scaenis suffectura et decor, omnia denique ei, quae sunt extra, superfuerunt: et Vibius Crispus compositus et iucundus et delectationi natus, privatis tamen causis quam publicis melior. Iulio Secundo, si longior contigisset aetas, clarissimum profecto nomen oratoris apud posteros foret: adiecisset enim atque adiciebat ceteris virtutibus suis quod desiderari potest, id est autem, ut esset multo magis pugnax et saepius ad curam rerum ab elocutione respiceret. ceterum interceptus quoque magnum sibi vindicat locum: ea est facundia, tanta in explicando quod velit gratia, tam candidum et lene et speciosum dicendi genus, tanta verborum etiam quae adsumpta sunt proprietates, tanta in quibusdam ex periculo petitis significantia. habebunt, qui post nos de oratoribus scribent, magnam eos, qui nunc vigent, materiam vere laudandi: sunt enim summa hodie, quibus illustratur forum, ingenia. namque et consummatam iam patroni veteribus aemulantur et eos iuvenum ad optima tendentium imitatur ac sequitur industria.

Supersunt qui de philosophia scripserunt, quo in genere paucissimos adhuc eloquentes litterae Romanae tulerunt. idem igitur M. Tullius, qui ubique, etiam in hoc opere Platonis aemulus extitit. egregius vero multoque quam in orationibus praestantior Brutus sufficit ponderi rerum: scias eum sentire quae dicit. scripsit non parum multa nelius Celsus, Sextios secutus, non sine cultu ac nitore. Plautus in Stoicis rerum cognitioni utilis.

- in Epicuriis levis quidem, sed non iniucundus ta-
125 men auctor est Catius. ex industria Senecam in
omni genere eloquentiae distuli propter vulgatam
falso de me opinionem, qua damnare eum et in-
visum quoque habere sum creditus. quod accidit
mihi, dum corruptum et omnibus vitiis fractum
dicendi genus revocare ad severiora iudicia con-
126 lescentium fuit. quem non equidem omnino conabar
excutere, sed potioribus praeferri non sinebam, quos
ille non destiterat incessere, cum diversi sibi conscius
generis placere se in dicendo posse iis, quibus illi
placerent, diffideret. amabant autem eum magis quam
imitabantur tantumque ab eo defluebant, quantum
ille ab antiquis descenderat. foret enim optandum,
127 pares ac saltem proximos illi viro fieri. sed place-
bat propter sola vitia et ad ea se quisque dirigebat
effingenda, quae poterat: deinde cum se iactaret
128 eodem modo dicere, Senecam infamabat. cuius et
multae alioqui et magnae virtutes fuerunt, ingenium
facile et copiosum, plurimum studii, multa rerum
cognitio, in qua tamen aliquando ab his, quibus
129 inquirenda quaedam mandabat, deceptus est. tracta-
vit etiam omnem fere studiorum materiam: nam et
orationes eius et poemata et epistulae et dialogi fe-
runtur. in philosophia parum diligens, egregius
tamen vitiorum insectator fuit. multae in eo cla-
raeque sententiae, multa etiam morum gratia legenda,
sed in eloquendo corrupta pleraque atque eo perni-
130 ciosissima, quod abundant dulcibus vitiis. velles eum
suo ingenio dixisse, alieno iudicio: nam si ille
quaedam contempsisset, si parum *sana* non concu-
pisset, si non omnia sua amasset, si rerum pondera
minutissimis sententiis non fregisset, consensu potius
eruditorum quam puerorum amore comprobaretur.
131 verum sic quoque iam robustis et severiore genere
satis firmatis legendus vel ideo, quod exercere potest
utcumque iudicium. multa enim, ut dixi, probanda

in eo, multa etiam admiranda sunt, eligere modocuræ sit, quod utinam ipse fecisset: digna enim fuit illa natura, quæ meliora vellet: quod voluit effecit.

II. Ex his ceterisque lectione dignis auctoribus et verborum sumenda copia est et varietas figurarum et componendi ratio, tum ad exemplum virtutum omnium mens derigenda. neque enim dubitari potest, quin artis pars magna contineatur imitatione. nam ut invenire primum fuit estque præcipuum, sic ea, quæ bene inventa sunt, utile sequi. atque omnis vitæ ratio sic constat, ut quæ probamus in aliis, facere ipsi velimus. sic litterarum ductus, ut scribendi fiat usus, pueri sequuntur, sic musici vocem docentium, pictores opera priorum, rustici probatam experimento culturam in exemplum intuentur, omnis denique disciplinae initia ad propositum sibi præscriptum formari videmus. et hercule necesse est aut similes aut dissimiles bonis simus. similem raro natura præstat, frequenter imitatio. sed hoc ipsum, quod tanto faciliorem nobis rationem rerum omnium facit, quam fuit iis, qui nihil quod sequerentur habuerunt, nisi caute et cum iudicio adprehenditur, nocet.

Ante omnia igitur imitatio per se ipsa non sufficit, vel quia pigri est ingenii contentum esse iis, quæ sint ab aliis inventa. quid enim futurum erat temporibus illis, quæ sine exemplo fuerunt, si homines nihil, nisi quod iam cognovissent, faciendum sibi aut cogitandum putassent? nempe nihil fuisset inventum. cur igitur nefas est reperiri aliquid a nobis, quod ante non fuerit? an illi rudes sola mentis natura ducti sunt in hoc, ut tam multa generarent: nos ad quaerendum non eo ipso concitemur, quod certe scimus invenisse eos, qui quaesierunt? et cum illi, qui nullum cuiusquam rei habuerunt magistrum, plurima in posteros tradiderint: nobis usus aliarum rerum ad eruendas alias non proderit, sed nihil habebimus nisi beneficii alieni? quemadmodum

quidam pictores in id solum student, ut describere
7 tabulas mensuris ac lineis sciant. turpe etiam illud
est, contentum esse id consequi quod imiteris. nam
rursus quid erat futurum, si nemo plus effecisset eo
quem sequebatur? nihil in poetis supra Livium An-
dronicum, nihil in historiis supra pontificum annales
haberemus, ratibus adhuc navigaremus: non esset
pictura, nisi quae lineas modo extremas umbrae,
8 quam corpora in sole fecissent, circumscriberet. ac
si omnia percenseas, nulla est ars, qualis inventa est,
nec intra initium stetit: nisi forte nostra potissi-
mum tempora damnamus huius infelicitatis, ut nunc
demum nihil crescat: nihil autem crescit sola imita-
9 tione. quodsi prioribus adicere fas non est, quo modo
sperare possumus illum oratorem perfectum? cum in
his, quos maximos adhuc novimus, nemo sit inven-
tus, in quo nihil aut desideretur aut reprehenda-
tur. sed etiam qui summa non adpetent, conten-
10 dere potius quam sequi debent. nam qui hoc agit,
ut prior sit, forsitan, etiamsi non transierit, aequa-
bit. eum vero nemo potest aequare, cuius vestigiis
sibi utique insistendum putat: necesse est enim
semper sit posterior qui sequitur. adde quod ple-
rumque facilius est plus facere quam idem: tantam
enim difficultatem habet similitudo, ut ne ipsa qui-
dem natura in hoc ita evaluerit, ut non res quae
simillimae quaeque pares maxime videantur, utique
11 discrimine aliquo discernantur. adde quod, quidquid
alteri simile est, necesse est minus sit eo, quod
imitatur, ut umbra corpore et imago facie et actus
histrionum veris adfectibus. quod in orationibus
quoque evenit. namque iis, quae in exemplum adsu-
mimus, subest natura et vera vis, contra omnis
imitatio facta est et ad alienum propositum accom-
12 modatur. quo fit ut minus sanguinis ac virium decla-
mationes habeant quam orationes, quod in illis
vera, in his adsimilata materia est. adde quod ea,
quae in oratore maxima sunt, imitabilia non sunt,

ingenium, inventio, vis, facilitas et quidquid arte non traditur. ideoque plerique, cum verba quaedam 13 ex orationibus excerpserunt aut aliquos compositionis certos pedes, mire a se quae legerunt effingi arbitrantur, [et] cum verba intercidant invalescantque temporibus, ut quorum certissima sit regula in consuetudine, eaque non sua natura sint bona aut mala (nam per se soni tantum sunt), sed prout opportune proprieque aut secus conlocata sunt, et compositio cum rebus accommodata est, tum ipsa varietate gratissima.

Quapropter exactissimo iudicio circa hanc partem 14 studiorum examinanda sunt omnia. primum, quos imitemur: nam sunt plurimi, qui similitudinem pessimam cuiusque et corruptissimi concupierint: tum in ipsis, quos elegerimus, quid sit, ad quod nos efficiendum comparemus. nam in magnis quoque aucto- 15 ribus incidunt aliqua vitiosa et a doctis inter ipsos etiam mutuo reprehensa: atque utinam tam bona imitantes dicerent melius quam mala peius dicunt. nec vero saltem iis, quibus ad evitanda vitia iudicii satis fuit, sufficiat imaginem virtutis effingere et solam, ut ita dixerim, cutem vel potius illas Epicuri figuras, quas e summis corporibus dicit effluere. hoc autem his accidit, qui non introspectis penitus 16 virtutibus ad primum se velut aspectum orationis aptarunt: et cum iis felicissime cessit imitatio, verbis atque numeris sunt non multum differentes, vim dicendi atque inventionis non adsecuntur, sed plerumque declinant in peius et proxima virtutibus vitia comprehendunt fiuntque pro grandibus tumidi, pressis exiles, fortibus temerarii, laetis corrupti, compositis exultantes, simplicibus neglegentes. ideoque 17 qui horride atque incomposite quidlibet illud frigidum et inane extulerunt, antiquis se pares credunt, qui carent cultu atque sententiis, Attici scilicet, qui praecisis conclusionibus obscuri, Sallustium atque Thucydidem superant, tristes ac ieiuni Pollio-

nem aemulantur, otiosi et supini, si quid modo longius circumduxerunt, iurant ita Ciceronem locuturum fuisse. noveram quosdam, qui se pulchre expressisse genus illud caelestis huius in dicendo viri sibi viderentur, si in clausula posuissent esse videatur. ergo primum est, ut quod imitaturus est quisque intellegat et, quare bonum sit, sciat.

- 19 Tum in suscipiendo onere consulat suas vires. nam quaedam sunt imitabilia, quibus aut infirmitas naturae non sufficiat aut diversitas repugnet. ne, cui tenue ingenium erit, sola velit fortia et abrupta, cui forte quidem, sed indomitum, amore subtilitatis et vim suam perdat et elegantiam quam cupit non persequatur: nihil est enim tam indecens, quam
20 cum mollia dure fiunt. atque ego illi praeceptor, quem institueram in libro secundo, credidi non ea sola docenda esse, ad quae quemque discipulorum natura compositum videret: nam is et adiuvere debet, quae in quoque eorum invenit bona, et, quantum fieri potest, adicere quae desunt et emendare quaedam et mutare: rector enim est alienorum ingeniorum atque formator. difficilius est natu-
21 turam suam fingere. sed ne ille quidem doctor, quamquam omnia quae recta sunt velit esse in suis auditoribus quam plenissima, in eo tamen, cui naturam obstare viderit, laborabit.

- Id quoque vitandum, in quo magna pars errat, ne in oratione poetas nobis et historicos, in illis operibus oratores aut declamatores imitandos putemus. sua cuique proposita lex, suus decor est: nec
22 comoedia in cothurnos adsurgit, nec contra tragodia socco ingreditur. habet tamen omnis eloquentia aliquid commune: id imitemur quod commune est.
23 etiam hoc solet incommodi accidere iis, qui se uni alicui generi dediderunt, ut, si asperitas iis placuit alicuius, hanc etiam in leni ac remisso causarum genere non exuant: si tenuitas aut iucunditas, in asperis gravibusque causis ponderi rerum parum

respondeant: cum sit diversa non causarum modo inter ipsas condicio, sed in singulis etiam causis partium, sintque alia leniter alia aspere, alia concitate alia remisse, alia docendi alia movendi gratia dicenda, quorum omnium dissimilis atque diversa inter se ratio est. itaque ne hoc quidem suaserim, uni²⁴ se alicui proprie, quem per omnia sequatur, addicere. longe perfectissimus Graecorum Demosthenes, aliquid tamen aliquo in loco melius alii, plurima ille. sed non qui maxime imitandus, et solus imitandus est. quid ergo? non est satis omnia sic dicere, quo²⁵ modo M. Tullius dixit? mihi quidem satis esset, si omnia consequi possem. quid tamen noceret vim Caesaris, asperitatem Caelii, diligentiam Pollionis, iudicium Calvi quibusdam in locis adsumere? nam²⁶ praeter id quod prudentis est, quod in quoque optimum est, si possit, suum facere, tum in tanta rei difficultate unum intuentis vix aliqua pars sequitur. ideoque cum totum exprimere quem elegeris paene sit homini inconcessum, plurimum bona ponamus ante oculos, ut aliud ex alio haereat, et quo quidque loco conveniat aptemus.

Imitatio autem (nam saepius idem dicam) non²⁷ sit tantum in verbis. illuc intendenda mens, quantum fuerit illis viris decoris in rebus atque personis, quod consilium, quae dispositio, quam omnia, etiam quae delectationi videantur data, ad victoriam spectent: quid agatur prooemio, quae ratio et quam varia narrandi, quae vis probandi ac refellendi, quanta in adfectibus omnis generis movendis scientia, quamque laus ipsa popularis utilitatis gratia adsumpta, quae tum est pulcherrima, cum sequitur, non cum arcessitur. haec si perviderimus, tum vere imitabimur. qui vero etiam propria his bona adiecerit, ut suppleat quae deerant, circumcidat si quid²⁸ redundabit, is erit, quem quaerimus, perfectus orator: quem nunc consummari potissimum oportebat, cum tanto plura exempla bene dicendi supersunt,

quam illis, qui adhuc summi sunt, contigerunt. nam erit haec quoque laus eorum, ut priores superasse, posteros docuisse dicantur.

III. Et haec quidem auxilia extrinsecus adhibentur: in iis autem quae nobis ipsis paranda sunt, ut laboris, sic utilitatis etiam longe plurimum adfert stilus. nec inmerito M. Tullius hunc optimum effectorem ac magistrum dicendi vocat, cui sententiae personam L. Crassi in disputationibus quae sunt de oratore adsignando iudicium suum
2 cum illius auctoritate coniunxit. scribendum ergo quam diligentissime et quam plurimum. nam ut terra alte effossa generandis alendisque seminibus fecundior fit, sic profectus non a summo petitus studiorum fructus et fundit uberius et fidelius continet. nam sine hac quidem conscientia ipsa illa ex tempore dicendi facultas inanem modo loquacita-
3 tem dabit et verba in labris nascentia. illic radices, illic fundamenta sunt, illic opes velut sanctiore quodam aerario conditae, unde ad subitos quoque casus, cum res exigit, proferantur. vires faciamus ante omnia, quae sufficiant labori certaminum et
4 usu non exhauriantur. nihil enim rerum ipsa natura voluit magnum effici cito praeposuitque pulcherrimo cuique operi difficultatem, quae nascendi quoque hanc fecerit legem, ut maiora animalia diutius visceribus parentis continerentur.

Sed cum sit duplex quaestio, quo modo et quae maxime scribi oporteat, iam hinc ordinem sequar.
5 sit primo vel tardus, dum diligens stilus, quaeramus optima nec protinus offerentibus se gaudeamus, adhibeatur iudicium inventis, dispositio probatis: dilectus enim rerum verborumque agendus est et pondera singulorum examinanda. post subeat ratio conlocandi versenturque omni modo numeri, non ut
6 quodque se proferet verbum occupet locum. quae quidem ut diligentius exequamur, repetenda saepius erunt scriptorum proxima. nam praeter id, quod

sic melius iunguntur prioribus sequentia, calor quoque ille cogitationis, qui scribendi mora refrigit, recipit ex integro vires et velut repetito spatio sumit impetum: quod in certamine saliendo fieri videmus, ut conatum longius petant et ad illud, quo contenditur, spatium cursu ferantur, utque in iaculando brachia reducimus et expulsuri tela nervos retro tendimus. interim tamen, si feret flatus, danda sunt 7 vela, dum nos indulgentia illa non fallat: omnia enim nostra, dum nascuntur, placent: alioqui nec scriberentur. sed redeamus ad iudicium et retractemus suspectam facilitatem. sic scripsisse Sallustium 8 accepimus, et sane manifestus est etiam ex opere ipso labor. Vergilium quoque paucissimos die composuisse versus auctor est Varius. oratoris quidem alia condicio est: itaque hanc moram et sollicitudinem initiis impero. nam primum hoc constituen- 9 dum, hoc optinendum est, ut quam optime scribamur: celeritatem dabit consuetudo. paulatim res facilius se ostendent, verba respondebunt, compositio sequetur, cuncta denique ut in familia bene instituta in officio erunt. summa haec est rei: cito 10 scribendo non fit ut bene scribatur, bene scribendo fit ut cito. sed tum maxime, cum facultas illa contigerit, resistamus [ut provideamus] et efferentis se equos frenis quibusdam coerceamus, quod non tam moram faciet quam novos impetus dabit. neque enim rursus eos, qui robur aliquod in stilo fecerint, ad infelicem calumniandi se poenam alligandos puto. nam quo modo sufficere officiis civilibus possit, qui 11 singulis actionum partibus insenescat? sunt autem quibus nihil sit satis, omnia mutare, omnia aliter dicere quam occurrit velint, increduli quidam et de ingenio suo pessime meriti, qui diligentiam putant facere sibi scribendi difficultatem. nec promptum 12 est dicere, utros peccare validius putem, quibus omnia sua placent an quibus nihil. accidit enim etiam ingeniosis adulescentibus frequenter, ut labore

consumantur et in silentium usque descendant nimia bene dicendi cupiditate. qua de re meminisse narraſſe mihi Iulium Secundum illum, aequalem meum atque a me, ut notum est, familiariter amatum, mirae facundiae virum, infinitae tamen curae, quid esset
13 sibi a patruo suo dictum. is fuit Iulius Florus, in eloquentia Galliarum, quoniam ibi demum exercuit eam, princeps, alioqui inter paucos disertus et dignus illa propinquitate. is cum Secundum, scholae adhuc operatum, tristem forte vidisset, interrogavit,
14 quae causa frontis tam adductae? nec dissimulavit adulescens, tertium iam diem esse, quod omni labore materiae ad scribendum destinatae non inveniret exordium, quo sibi non praesens tantum dolor, sed etiam desperatio in posterum fieret. tum Florus adridens, numquid tu, inquit, melius dicere
15 vis quam potes? ita se res habet: curandum est, ut quam optime dicamus, dicendum tamen pro facultate: ad profectum enim opus est studio, non indignatione. ut possimus autem scribere etiam plura celerius, non exercitatio modo praestabit, in qua sine dubio multum est, sed etiam ratio: si non resupini spectantesque tectum et cogitationem murmure agitantibus expectaverimus, quid obveniat, sed quid res poscat, quid personam deceat, quod sit tempus, qui iudicis animus, intuiti humano quodam modo ad scribendum accesserimus. sic nobis et initia et quae
16 secuntur natura ipsa praescribit. certa sunt enim pleraque et, nisi coniveamus, in oculos incurrunt: ideoque nec indocti nec rustici diu quaerunt, unde incipiant, quo pudendum est magis, si difficultatem facit doctrina. non ergo semper putemus optimum esse quod latet: inmutescamus alioqui, si nihil dicendum
17 videatur, nisi quod non invenimus. diversum est huic eorum vitium, qui primo decurrere per materiam stilo quam velocissimo volunt et sequentes calorem atque impetum ex tempore scribunt: hanc silvam vocant. repetunt deinde et compo-

nunt quae effuderant: sed verba emendantur et numeri, manet in rebus temere congestis quae fuit levitas. protinus ergo adhibere curam rectius erit 18 atque ab initio sic opus ducere, ut caelandum, non ex integro fabricandum sit. aliquando tamen adfectus sequemur, in quibus fere plus calor quam diligentia valet.

Satis apparet ex eo, quod hanc scribentium negligentiam damno, quid de illis dictandi deliciis sentiam. nam in stilo quidem quamlibet properato 19 dat aliquam cogitationi moram non consequens celeritatem eius manus: ille, cui dictamus, urget, atque interim pudet etiam dubitare aut resistere aut mutare quasi conscium infirmitatis nostrae timentis. quo fit ut non rudia tantum et fortuita, sed impro- 20 pria interim, dum sola est conectendi sermonis cupiditas, effluant, quae nec scribentium curam nec dicentium impetum consequantur. at idem ille, qui excipit, si tardior in scribendo aut incertior in legendo velut offensator fuit, inhibetur cursus, atque omnis, quae erat, concepta mentis intentio mora et interdum iracundia excutitur. tum illa, quae altiore 21 animi motum secuntur quaeque ipsa animum quodammodo concitant, quorum est iactare manum, torquere vultum, femur et latus interim obiurgare, quaeque Persius notat, cum leviter dicendi genus significat, nec pluteum inquit caedit nec demorsos sapit unguis, etiam ridicula sunt, nisi cum soli sumus. denique ut semel, quod est potentis- 22 simum dicam, secretum, quod dictando perit, atque liberum arbitris locum et quam altissimum silentium scribentibus maxime convenire nemo dubitaverit. non tamen protinus audiendi qui credunt aptissima in hoc nemora silvasque, quod illa caeli libertas locorumque amoenitas sublimem animum et beatiorum spiritum parent. mihi certe iucundus hic magis 23 quam studiorum hortator videtur esse secessus. namque illa, quae ipsa delectant, necesse est avocent

- ab intentione operis destinati. neque enim se bona fide in multa simul intendere animus totum potest, et quocumque respexit, desinit intueri quod propositum erat. quare silvarum amoenitas et praeterlabentia flumina et inspirantes ramis arborum aerae volucrumque cantus et ipsa late circumspiciendi libertas ad se trahunt, ut mihi remittere potius voluptas ista videatur cogitationem quam intendere.
- 25 Demosthenes melius, qui se in locum, ex quo nulla exaudiri vox et ex quo nihil prospici posset, recondebat, ne aliud agere mentem cogerent oculi. ideoque lucubrantibus silentium noctis et clausum cubiculum et lumen unum velut [†]rectos maxime teneat.
- 26 sed cum in omni studiorum genere, tum in hoc praecipue bona valetudo, quaeque eam maxime praestat, frugalitas, necessaria est, cum tempora ab ipsa rerum natura ad quietem refectionemque nobis data in acerrimum laborem convertimus. cui tamen non plus inrogandum est quam quod somno supererit,
- 27 haud deerit. obstat enim diligentiae scribendi etiam fatigatio et abunde, si vacet, lucis spatia sufficiunt, occupatos in noctem necessitas agit. est tamen lucubratio, quotiens ad eam integri ac refectioni venimus, optimum secreti genus.
- 28 Sed silentium et secessus et undique liber animus ut sunt maxime optanda, ita non semper possunt contingere, ideoque non statim, si quid obstrepet, abiciendi codices erunt et deplorandus dies, verum incommodis repugnandum et hic faciendus usus, ut omnia quae impediunt vincat intentio: quam si tota mente in opus ipsum derexeris, nihil eorum, quae oculis vel auribus incursant, ad animum perveniet. an vero frequenter etiam fortuita hoc cogitatio praestat, ut obvios non videamus et itinere deerremus: non consequemur idem, si et voluerimus? non est indulgendum causis desidia. nam si nonnisi refectioni, nonnisi hilares, nonnisi omnibus aliis curis vacantes studendum existimarimus,

semper erit propter quod nobis ignoscamus, quare in 30
 turba, itinere, conviviis etiam faciat sibi cogitatio
 ipsa secretum. quid alioqui fiet, cum in medio foro,
 tot circumstantibus iudiciis, iurgiis, fortuitis etiam
 clamoribus, erit subito continua oratione dicendum,
 si particulas, quas ceris mandamus, nisi in solitu-
 dine reperire non possumus? propter quae idem ille
 tantus amator secreti Demosthenes in litore, in quo
 se maximo cum sono fluctus inlideret, meditans con-
 suescebat contionum fremitus non expavescere.

Illa quoque minora (sed nihil in studiis parvum 31
 est) non sunt transeunda: scribi optime ceris, in
 quibus facillima est ratio delendi, nisi forte visus
 infirmior membranarum potius usum exiget, quae ut
 iuvant aciem, ita crebra relatione, quoad intingun-
 tur calami, morantur manum et cogitationis im-
 petum frangunt. relinquendae autem in utrolibet 32
 genere contra erunt vacuae tabellae, in quibus libera
 adiciendo sit excursio. nam interim pigritiam emen-
 dandi angustiae faciunt aut certe novorum inter-
 positione priora confundant. ne latas quidem ultra
 modum esse ceras velim, expertus iuvenem stu-
 diosum alioqui praelongos habuisse sermones, quia
 illos numero versuum metiebatur, idque vitium, quod
 frequenti admonitione corrigi non potuerat, mutatis
 codicibus esse sublatum. debet vacare etiam locus, 33
 in quo notentur quae scribentibus solent extra or-
 dinem, id est ex aliis, quam qui sunt in manibus
 loci, occurrere. inrumpunt enim optimi nonnumquam
 sensus, quos neque inserere oportet neque differre
 tutum est, quia interim elabuntur, interim memoriae
 sui intentos ab alia inventione declinant ideoque
 optime sunt in deposito.

IV. Sequitur emendatio, pars studiorum longe
 utilissima: neque enim sine causa creditum est sti-
 lum non minus agere, cum delet. huius autem operis
 est adicere, detrahere, mutare. sed facilius in iis
 simpliciusque iudicium, quae replenda vel deicienda

sunt: premere vero tumentia, humilia extollere, luxuriantia adstringere, inordinata digerere, soluta componere, exultantia coercere duplicis operae: nam et damnanda sunt quae placuerant et inveni-
2enda quae fugerant. nec dubium est optimum esse emendandi genus, si scripta in aliquod tempus reponantur, ut ad ea post intervallum velut nova atque aliena redeamus, ne nobis scripta nostra tam-
3quam recentes fetus blandiantur. sed neque hoc contingere semper potest praesertim oratori, cui saepius scribere ad praesentis usus necesse est, et ipsa emendatio finem habeat. sunt enim qui ad omnia scripta tamquam vitiosa redeant et, quasi nihil fas sit rectum esse quod primum est, melius existiment quidquid est aliud, idque faciant, quotiens librum in manus resumpserunt, similes medicis etiam integra secantibus. accidit itaque ut cicatricosa sint
4et exsanguia et cura peiora. sit ergo aliquando quod placeat aut certe quod sufficiat, ut opus poliat lima, non exerat. temporis quoque esse debet modus. nam quod Cinnae Smyrnam novem annis acceperimus scriptam et panegyricum Isocratis, qui parcissime, decem annis dicunt elaboratum, ad oratorem nihil pertinet, cuius nullum erit, si tam tardum fuerit, auxilium.

V. Proximum est, ut dicamus, quae praecipue scribenda sint ξξiv parantibus. *non est huius* quidem operis, ut explicemus, quae sint materiae, quae prima aut secunda aut deinceps tractanda sint (nam id factum est iam primo libro, quo puerorum, et secundo, quo iam robustorum studiis ordinem dedimus), sed, de quo nunc agitur, unde copia ac facilitas maxime veniat.

2 Vertere graeca in latinum veteres nostri oratores optimum iudicabant. id se L. Crassus in illis Ciceronis de Oratore libris dicit factitasse: id Cicero sua ipse persona frequentissime praecipit, quin etiam libros Platonis atque Xenophontis edidit hoc genere

translatos: id Messālae placuit, multaeque sunt ab eo scriptae ad hunc modum orationes, adeo ut etiam cum illa Hyperidis pro Phryne difficillima Romanis subtilitate contenderet. et manifesta est exercitationis huiusce ratio. nam et rerum copia graeci³ auctores abundant et plurimum artis in eloquentiam intulerunt et hos transferentibus verbis uti optimis licet: omnibus enim utimur nostris. figuras vero, quibus maxime ornatur oratio, multas ac varias excogitandi etiam necessitas quaedam est, quia plerumque a graecis romana dissentiunt.

Sed et illa ex latinis conversio multum et ipsa⁴ contulerit. ac de carminibus quidem neminem credo dubitare, quo solo genere exercitationis dicitur usus esse Sulpicius. nam et sublimis spiritus ad tollere orationem potest, et verba poetica libertate audaciora non praesumunt eandem proprie dicendi facultatem. sed et ipsis sententiis adicere licet oratorium robur et omissa supplere et effusa substringere. neque ego paraphrasim esse interpretationem⁵ tantum volo, sed circa eosdem sensus certamen atque aemulationem. ideoque ab illis dissentio, qui vertere orationes latinas vetant, quia optimis occupatis, quidquid aliter dixerimus, necesse sit esse deterius. nam neque semper est desperandum aliquid illis, quae dicta sunt, melius posse reperiri, neque adeo ieiunam ac pauperem natura eloquentiam fecit, ut una de re bene dici nisi semel non possit. nisi⁶ forte histrionum multa circa voces easdem variare gestus potest, orandi minor vis, ut dicatur aliquid, post quod in eadem materia nihil dicendum sit. sed esto neque melius quod invenimus esse neque par, est certe proximis locus. an vero ipsi non bis ac⁷ saepius de eadem re dicimus et quidem continuas nonnumquam sententias? nisi forte contendere nobiscum possumus, cum aliis non possumus. nam si uno genere bene diceretur, fas erat existimari praeclusam nobis a prioribus viam: nunc vero in-

numerabiles sunt modi plurimaeque eodem viae ducunt. sua brevitati gratia, sua copia, alia translatis virtus, alia propriis, hoc oratio recta, illud figura declinata commendat. ipsa denique utilissima est exercitationi difficultas. quid quod auctores maximi sic diligentius cognoscuntur? non enim scripta lectione secura transcurrimus, sed tractamus singula et necessario introspicimus et, quantum virtutis habeant, vel hoc ipso cognoscimus, quod imitari non possumus.

- 9 Nec aliena tantum transferre, sed etiam nostra pluribus modis tractare proderit, ut ex industria sumamus sententias quasdam easque versemus quam numerosissime, velut eadem cera aliae aliaque formae duci solent. plurimum autem parari facultatis existimo ex simplicissima quaque materia. nam illa multiplici personarum, causarum, temporum, locorum, dictorum, factorum diversitate facile delitescit infirmitas, tot se undique rebus, ex quibus aliquam
10 adprehendas, offerentibus. illud virtutis indicium est, fundere quae natura contracta sunt, augere parva, varietatem similibus, voluptatem expositis dare et bene dicere multa de paucis.

- In hoc optime facient infinitae quaestiones, quas vocari thesis diximus, quibus Cicero iam princeps in
12 re publica exerceri solebat. his confinis est destructio et confirmatio sententiarum. nam cum sit sententia decretum quoddam atque praeceptum, quod de re, idem de iudicio rei quaeri potest. tum loci communes, quos etiam scriptos ab oratoribus scimus. nam qui haec recta tantum et in nullos flexus recedentia copiose tractaverit, utique in illis plures excursus recipientibus magis abundabit eritque in
13 omnis causas paratus: omnes enim generalibus quaestionibus constant. nam quid interest 'Cornelius tribunus plebis, quod codicem legerit, reus sit', an quaeramus: 'violeturne maiestas, si magistratus rogationem suam populo ipse recitarit?' 'Milo Clodium

rectene occiderit' veniat in iudicium, an 'oporteatne insidiatorem interfici vel perniciosum rei publicae civem, etiamsi non insidietur:' 'Cato Marciam honestene tradiderit Hortensio' an 'conveniatne res talis bono viro'. de personis iudicatur, sed de rebus contenditur. declamationes vero, quales in scholis 14 rhetorum dicuntur, si modo sunt ad veritatem accommodatae et orationibus similes, non tantum dum adulescit profectus, sunt utilissimae, quia inventionem et dispositionem pariter exercent, sed etiam cum est consummatus ac iam in foro clarus: alitur enim atque enitescit velut pabulo laetiore facundia et adsidua contentionum asperitate fatigata renovatur. quapropter historiae nonnumquam ubertas in aliqua 15 exercendi stili parte ponenda et dialogorum libertate gestiendum. ne carmine quidem ludere contrarium fuerit, sicut athletae, remissa quibusdam temporibus ciborum atque exercitationum certa necessitate, otio et iucundioribus epulis reficiuntur. ideoque mihi vi- 16 detur M. Tullius tantum intulisse eloquentiae lumen, quod in hos quoque studiorum secessus excurrit. nam si nobis sola materia fuerit ex litibus, necesse est deteratur fulgor et durescat articulus et ipse ille mucro ingenii cotidiana pugna retundatur.

Sed quemadmodum forensibus certaminibus exer- 17 citatos et quasi militantis reficit ac reparat haec velut sagina dicendi, sic adulescentes non debent nimium in falsa rerum imagine detineri et inanibus se simulacris usque adeo, ut difficilis ab his digressus sit, adsuefacere, ne ab illa, in qua prope consenserunt, umbra vera discrimina velut quendam solem reformident. quod accidisse etiam Porcio La- 18 troni, qui primus clari nominis professor fuit, traditur, ut, cum ei summam in scholis opinionem optinenti causa in foro esset oranda, inpense petierit, uti subsellia in basilicam transferrentur. ita illi caelum novum fuit, ut omnis eius eloquentia contineri tecto ac parietibus videretur. quare iuvenis, 19

- qui rationem inveniendi eloquendique a praecepto-
ribus diligenter acceperit (quod non est infiniti ope-
ris, si docere sciant et velint), exercitationem quo-
que modicam fuerit consecutus, oratorem sibi aliquem,
quod apud maiores fieri solebat, deligat, quem se-
quatur, quem imitetur: iudiciis intersit quam pluri-
20 tator. tum causas vel easdem, quas agi audierit,
stilo et ipse componat, vel etiam alias, veras modo,
et utrimque tractet et, quod in gladiatoribus fieri
videmus, decretoriis exerceatur, ut fecisse Brutum
diximus pro Milone. melius hoc quam rescribere
veteribus orationibus, ut fecit Cestius contra Ciceronis
actionem habitam pro eodem, cum alteram partem
satis nosse non posset ex sola defensione.
- 21 Citius autem is idoneus erit iuvenis, quem prae-
ceptor coegerit in declamando quam simillimum esse
veritati et per totas ire materias, quarum nunc
facillima et maxime favorabilia decerpunt. obstant
huic, quod secundo loco posui, fere turba discipu-
lorum et consuetudo classium certis diebus audien-
darum, nonnihil etiam persuasio patrum numerantium
- 22 potius declamationes quam aestimantium. sed, quod
dixi primo, ut arbitror, libro, nec ille se bonus prae-
ceptor maiore numero quam sustinere possit onerabit
et nimiam loquacitatem recidet, ut omnia, quae sunt
in controversia, non, ut quidam volunt, quae in re-
rum natura, dicantur, et vel longiore potius dierum
spatio laxabit dicendi necessitatem vel materias di-
videre permittet.
- 23 diligenter effecta plus proderit
quam plures inchoatae et quasi degustatae. propter
quod accidit, ut nec suo loco quidque ponatur, nec
illa quae prima sunt servant suam legem, iuvenibus
fiosculos omnium partium in ea quae sunt dicturi con-
gerentibus: quo fit ut timentes, ne sequentia perdant,
priora confundant.

VI. Proxima stilo cogitatio est, quae et ipsa
vires ab hoc accipit et est inter scribendi laborem

extemporalemque fortunam media quaedam et nescio an usus frequentissimi. nam scribere non ubique nec semper possumus, cogitationi temporis ac loci plurimum est. haec paucis admodum horis magnas etiam causas complectitur: haec, quotiens intermissus est somnus, ipsis noctis tenebris adiuvatur: haec inter medios rerum actus aliquid invenit vacui nec otium patitur. neque vero rerum ordinem modo, ² quod ipsum satis erat, intra se ipsa disponit, sed verba etiam copulat totamque ita contextit orationem, ut ei nihil praeter manum desit: nam memoriae quoque plerumque inhaerent fidelius quae nulla scribendi securitate laxantur.

Sed ne ad hanc quidem vim cogitandi perveniri potest aut subito aut cito. nam primum facienda ³ multo stilo forma est, quae nos etiam cogitantis sequatur: tum adsumendus usus paulatim, ut pauca primum complectamur animo, quae reddi fideliter possint, mox per incrementa tam modica, ut onerari se labor ille non sentiat, augenda vis et exercitatione multa continenda est, quae quidem maxima ex parte memoria constat: ideoque aliqua mihi in illum locum differenda sunt. eo tandem pervenit, ut ⁴ is, cui non refragetur ingenium, acri studio adiutus tantum consequatur, ut ei tam quae cogitarit quam quae scripserit atque edidicerit in dicendo fidem servent. Cicero certe Graecorum Metrodorum Scepsium et Empylum Rhodium nostrorumque Hortensium tradidit quae cogitaverant ad verbum in agendo retulisse.

Sed si forte aliquis inter dicendum ⁵ offulserit ex temporalis color, non superstitiose cogitatis demum est inhaerendum. neque enim tantum habent curae, ut non sit dandus et fortunae locus, cum saepe etiam scriptis ea quae subito nata sunt inserantur. ideoque totum hoc exercitationis genus ita instituendum est, ut et digredi ex eo et regredi in id facile possimus. nam ut primum est domo adferre para- ⁶

tam dicendi copiam et certam, ita refutare temporis munera longe stultissimum est. quare cogitatio in hoc praeparetur, ut nos fortuna decipere non possit, adiuvari possit. id autem fiet memoriae viribus, ut illa, quae complexi animo sumus, fluant secura, non sollicitos et respicientes et una spe suspensos recordationis non sinant providere: alioqui vel extemporalem temeritatem malo quam male cohaerentem
7 cogitationem. peius enim quaeritur retrorsus, quia, dum illa desideramus, ab aliis avertimur, et ex memoria potius res petimus quam ex materia. plura sunt autem, si utcumque quaerendum est, quae inveniri possunt quam quae inventa sunt.

VII. Maximus vero studiorum fructus est et velut praemium quoddam amplissimum longi laboris ex tempore dicendi facultas, quam qui non erit consecutus, mea quidem sententia civilibus officiis renuntiabit et solam scribendi facultatem potius ad alia opera convertet. vix enim bonae fidei viro convenit auxilium in publicum polliceri, quod praesentissimis quibusque periculis desit, instar portus, ad quem navis accedere nisi lenibus ventis vecta
2 non possit: siquidem innumerabiles accidunt subitae necessitates vel apud magistratus vel repraesentatis iudiciis continuo agendi. quarum si qua, non dico cuicumque innocentium civium, sed amicorum ac propinquorum alicui evenerit, stabitne mutus et salutarem petentibus vocem statimque, si non succurratur, perituris moras et secessum et silentium quaeret, dum illa verba fabricentur et memoriae insidant
3 et vox ac latus praeparetur? quae vero patitur hoc ratio, ut quisquam possit orator aliquando omittere casus? quid, cum adversario respondendum erit, fiet? nam saepe ea, quae opinati sumus et contra quae scripsimus, fallunt, ac tota subito causa mutatur, atque ut gubernatori ad incursus tempestatium, sic agenti ad varietatem causarum ratio mutanda est.
4 quid porro multus stilus et adsidua lectio et longa

studiorum aetas facit, si manet eadem quae fuit incipientibus difficultas? perisse profecto confitendum est praeteritum laborem, cui semper idem laborandum est. neque ego hoc ago, ut ex tempore dicere malit, sed ut possit. id autem maxime hoc modo consequemur.

Nota sit primum dicendi via: neque enim prius⁵ contingere cursus potest quam scierimus, quo sit et qua perveniendum. nec satis est non ignorare quae sint causarum iudicialium partes, aut quaestionum ordinem recte disponere, quamquam ista sunt praecipua, sed quid quoque loco primum sit ac secundum et deinceps: quae ita sunt natura copulata, ut mutari aut intervelli sine confusione non possint. quisquis autem via dicet, ducetur ante omnia rerum⁶ ipsa serie velut duce, propter quod homines etiam modice exercitati facillime tenorem in narrationibus servant. deinde, quid quoque loco quaerant, scient, nec circumspectabunt nec offerentibus se aliunde sensibus turbabuntur nec confundent ex diversis orationem velut salientes huc illuc nec usquam insistentes. postremo habebunt modum et finem, qui esse citra divisionem nullus potest. expletis pro⁷ facultate omnibus, quae proposuerint, pervenisse se ad ultimum sentient.

Et haec quidem ex arte, illa vero ex studio. ut copiam sermonis optimi, quemadmodum praeceptum est, comparemus, multo ac fideli stilo sic formetur oratio, ut scriptorum colorem etiam quae subito effusa sint reddant, ut, cum multa scripserimus, etiam multa dicamus: nam consuetudo et exercitatio facilitatem maxime parit: quae si paulum intermissa fuerit, non velocitas illa modo tardatur, sed ipsum os coit atque concurrit. quamquam enim opus est naturali quadam mobilitate animi, ut, dum proxima dicimus, struere ulteriora possimus semperque nostram vocem provisa et formata cogitatio excipiat: vix tamen aut natura aut ratio in tam multiplex⁹

- officium diducere animum queat, ut inventioni, dispositioni, elocutioni, ordini rerum verborumque, tum iis, quae dicit, quae subiuncturus est, quae ultra spectanda sunt, adhibita vocis, pronuntiationis, gestus observatione simul sufficiat. longe enim praecedat oportet intentio ac prae se res agat, quantumque dicendo consumitur, tantum ex ultimo prorogetur, ut, donec perveniamus ad finem, non minus prospectu procedamus quam gradu, si non interistentes offensantesque breviter illa atque concisa singulantium modo eiecturi sumus.
- 10 Est igitur usus quidam inrationalis, quam Graeci ἄλογον τριβὴν vocant, qua manus in scribendo decurrit, qua oculi totos simul in lectione versus flexusque eorum et transitus intuentur et ante sequentia vident quam priora dixerunt. quo constant miracula illa in scaenis pileriorum ac ventilatorum, ut ea quae emisierint ultro venire in manus credas
- 12 et qua iubentur decurrere. sed hic usus ita proderit, si ea de qua locuti sumus ars antecesserit, ut ipsum illud, quod in se rationem non habet, in ratione versetur. nam mihi ne dicere quidem videtur nisi qui disposite, ornate, copiose dicit, sed tumultuari. nec fortuiti sermonis contextum mirabor umquam, quem iurgantibus etiam mulierculis superfluere video: quodsi calor ac spiritus tulit, frequenter accidit ut successum extemporalem consequi cura non possit.
- 14 deum tunc adfuisse, cum id evenisset, veteres oratores, ut Cicero, dictitabant. sed ratio manifesta est. nam bene concepti adfectus et recentes rerum imagines continuo impetu feruntur, quae nonnumquam mora stili refrigescunt et dilatae non revertuntur. utique vero, cum infelix illa verborum cavillatio accessit et cursus ad singula vestigia restitit, non potest ferri contorta vis, sed, ut optime vocum singularum cedat electio, non continua, sed composita est.
- 15 Quare capiendae sunt illae, de quibus dixi, rerum

imagines, quas vocari *φαντασίαι* indicavimus, omnia-
 que, de quibus dicturi erimus, personae, quaestiones,
 spes, metus habenda in oculis, in adfectus recipienda:
 pectus est enim, quod disertos facit, et vis mentis.
 ideoque imperitis quoque, si modo sunt aliquo ad-
 fectu concitati, verba non desunt. tum intendendus 16
 animus, non in aliquam rem unam, sed in plures
 simul continuas, ut, si per aliquam rectam viam
 mittamus oculos, simul omnia quae sunt in ea cir-
 caque intuemur, non ultimum tantum videmus, sed
 usque ad ultimum. addit ad dicendum etiam pudor
 stimulos, mirumque videri potest, quod, cum stilus
 secreto gaudeat atque omnis arbitros reformidet, ex- 17
 temporalis actio auditorum frequentia, ut miles con-
 gestu signorum, excitatur. namque et difficiliorem
 cogitationem exprimit et expellit dicendi necessitas,
 et secundos impetus auget placendi cupido. adeo
 praemium omnia spectant, ut eloquentia quoque,
 quamquam plurimum habeat in se voluptatis, maxime
 tamen praesenti fructu laudis opinionisque ducatur.
 nec quisquam tantum fidat ingenio, ut id sibi speret 18
 incipienti statim posse contingere, sed, sicut in cogi-
 tatione praecepimus, ita facilitatem quoque extem-
 poralem a parvis initiis paulatim perducemus ad
 summam, quae neque perfici neque contineri nisi
 usu potest. ceterum pervenire eo debet, ut cogitatio 19
 non utique melior sit ea, sed tutior, cum hanc fa-
 cilitatem non in prosa modo multi sint consecuti,
 sed etiam in carmine, ut Antipater Sidonius et Li-
 cinius Archias: credendum enim Ciceroni est, non
 quia nostris quoque temporibus non et fecerint qui-
 dam hoc et faciant. quod tamen non ipsum tam
 probabile puto (neque enim habet aut usum res aut
 necessitatem) quam exhortandis in hanc spem, qui
 foro praeparantur, utile exemplum. neque vero tanta 20
 sit umquam fiducia facilitatis, ut non breve saltem
 tempus, quod nusquam fere deerit, ad ea quae
 dicturi sumus dispicienda sumamus, quod quidem in

- iudiciis ac foro datur semper: neque enim quisquam
21 est, qui causam quam non didicerit agat. declamatores quosdam perversa ducit ambitio, ut exposita controversia protinus dicere velint, quin etiam, quod est in primis frivolum ac scaenicum, verbum petant, quo incipiant. sed tam contumeliosos in se ridet invicem eloquentia, et qui stultis videri eruditi
22 volunt, stulti eruditus videntur. si qua tamen fortuna tam subitam fecerit agendi necessitatem, mobiliore quodam opus erit ingenio, et vis omnis intendenda rebus et in praesentia remittendum aliquid ex cura verborum, si consequi utrumque non dabitur. tum et tardior pronuntiatio moras habet et suspensa ac velut dubitans oratio, ut tamen deliberare,
23 non haesitare videamur. hoc, dum egredimur e portu, si nos nondum aptatis satis armamentis aget ventus, deinde paulatim simul euntes aptabimus vela et disponemus rudentes et impleri sinus optabimus. id potius, quam se inani verborum torrenti dare quasi tempestatibus quo volent auferendum.
- 24 Sed non minore studio continetur haec facultas quam paratur: ars enim semel percepta non capitur, stilus quoque intermissione paulum admodum de celeritate deperdit: promptum hoc et in expedito positum exercitatione sola continetur. hac uti sic optimum est, ut cotidie dicamus audientibus pluribus, maxime de quorum simus iudicio atque opinione solliciti: rarum est enim, ut satis se quisque vereatur. vel soli tamen dicamus potius quam omnino non dicamus. est et illa exercitatio cogitandi totasque materias vel silentio (dum tamen quasi dicat intra se ipsum) persequendi, quae nullo non et tempore et loco, quando non aliud agimus, explicari potest, et est in parte utilior quam haec pro-
25 xima: diligentius enim componitur quam illa, in qua contextum dicendi intermittere veremur. rursus in alia plus prior confert, vocis firmitatem, oris facilitatem, motum corporis, qui et ipse, ut dixi,

excitat oratorem et iactatione manus, pedis sup-
plosione, sicut cauda leones facere dicuntur, hor-
tatur. studendum vero semper et ubique. neque 27
enim fere tam est ullus dies occupatus, ut nihil lu-
crativae, ut Cicero Brutum facere tradit, operae ad
scribendum aut legendum aut dicendum rapi aliquo
momento temporis possit: siquidem C. Carbo etiam
in tabernaculo solebat hac uti exercitatione dicendi.
ne id quidem tacendum est, quod eidem Ciceroni 28
placet, nullum nostrum usquam negligentem esse
sermonem: quidquid loquemur ubicumque, sit pro
sua scilicet portione perfectum. scribendum certe
numquam est magis, quam cum multa dicemus ex
tempore. ita enim servabitur pondus et innatans
illa verborum facilitas in altum reducetur, sicut ru-
stici proximas vitis radices amputant, quae illam in
summum solum ducunt, ut inferiores penitus de-
scendendo firmentur. ac nescio an utrumque, cum 29
cura et studio fecerimus, invicem prosit, ut scri-
bendo dicamus diligentius, dicendo scribamus fa-
cilius. scribendum ergo, quotiens licebit, si id non
dabitur, cogitandum: ab utroque exclusi debent tamen
id efficere, ut neque deprensus orator neque litiga-
tor destitutus esse videatur.

Plerumque autem multa agentibus accidit, ut 30
maxime necessaria et utique initia scribant, cetera
quae domo adferunt cogitatione complectantur, su-
bitis ex tempore occurrant: quod fecisse M. Tullium
commentariis ipsius apparet. sed feruntur aliorum
quoque et inventi forte, ut eos dicturus quisque com-
posuerat, et in libros digesti, ut causarum quae sunt
actae a Servio Sulpicio, cuius tres orationes extant:
sed hi de quibus loquor commentarii ita sunt exacti,
ut ab ipso mihi in memoriam posteritatis videantur
esse compositi. nam Ciceronis ad praesens modo 31
tempus aptatus libertus Tiro contraxit: quos non
ideo excuso, quia non probem, sed ut sint magis
admirabiles. in hoc genere prorsus recipio hanc

brevem adnotationem libellosque, qui vel manu te-
32 neantur et ad quos interim respicere fas sit. illud,
quod Laenas praecipit, displicet mihi, in his quæ
scripserimus velut summas in commentarium et ca-
pita conferre. facit enim ediscendi negligentiam
haec ipsa fiducia et lacerat ac deformat orationem.
ego autem ne scribendum quidem puto, quod simus
memoria persecuturi: nam hic quoque accidit, ut
revocet nos cogitatio ad illa elaborata nec sinat
33 praesentem fortunam experiri. sic anceps inter
utrumque animus aestuat, cum et scripta perdidit
et non quaerit nova. sed de memoria destinatus
est libro proximo locus nec huic parti subiungendus,
quia sunt alia prius nobis dicenda.

1. The first part of the document is a list of names and titles, including the names of the authors and the titles of the works. The list is organized in a table with two columns: the first column contains the names of the authors, and the second column contains the titles of the works. The names are written in a cursive script, and the titles are written in a more formal, printed script. The list is organized in a table with two columns: the first column contains the names of the authors, and the second column contains the titles of the works. The names are written in a cursive script, and the titles are written in a more formal, printed script.



~~OCT 15 1983~~

~~FEB 20 1985~~

~~DUE OCT 20 1920~~

~~1911 JUN 15 1945~~

~~MAY 27 1953 H~~

stitutionis oratoriae liber decim
Idener Library 006635930



3 2044 085 226 439